



DAIM NTAWV TAW QHIA TXOG KOJ TUS MENYUAM COV KEV KAWM

CALIFORNIA LUB CAJ MEEM FAI SAIB XYUAS KEV KAWM NTAWV

Daim ntawv taw qhia no yuav pab koj caum koj tus menyuam daim ntawv qhia txog kev kawm thiab cov tswv yim pom zoo uas muaj. Muaj tej seem hauv koj tus menyuam daim ntawv qhia txog kev kawm yog txhais raws raws lus thiab lwm seem yog txhais dav dav.

1 Daim Ntawv Pib Piav Qhia

Nyob zoo txog Niam Txiv/Tus Saib Xyuas,

Txhua xyoo, California Qhov Kev Pab STAR ntsuam xyuas koj tus menyuam qhov kev nce qib ntawm qhov uas raws cuag California Cov Qauv Ntawm Cov Ntsiab Lus (Content Standards), uas qhia txog seb tag nrho cov menyuam yuav tsum tau paub yam twg thiab paub ua dab tsi rau ib qib kawm twg.

Daim ntawv qhia no qhia txog koj tus menyuam cov paj xyeem tau rau ntawm California Cov Qauv Tshau, nrog rau California Cov Sob Tshau Yam Ua Tau, Daim Ntawv Nug Luab Rau (Sixth Edition Survey (CAT/6 Survey)). Daim ntawv qhia no tseem muab tswv yim tawm ntxiv txog seb koj yuav pab tau koj tus menyuam kawm txuas ntxiv li cas.

2 Koj tus menyuam cov moj kab sim (information)

Ntawm no koj yuav pom: koj tus menyuam tus zauv cim menyuam kawm ntawv, hnuv yug, qib kawm ntawv, hnuv tshau, lub tsev kawm ntawv, thiab cheeb tsam. Yog tias muaj, koj qhov chaw nyob muaj nyob rau ntawm no thiab.

3 Koj tus menyuam cov kev kawm tau (result) tag nrho los ntawm California Cov Qauv Tshau Koj tus menyuam cov paj xyeem thiab cov seem uas ua tau

Xyuas tau seb koj tus menyuam ua tau zoo li cas ntawm California Cov Qauv Tshau uas xyuas txoj kab dub uas khiav sauv rau hauv uas nyob hauv qab ntawm cov kev kawm. Tus zauv saum toj ntawm txhua txoj kab yog koj tus menyuam qhov paj xyeem uas tau ntawm qhov kev tshau. Cov thawv uas muaj yeeb yuj (color) nyob rau sab laug ntawm cov ntawv uas nyob hauv qab ntawm txhua txoj kab dub qhia txog koj tus menyuam cov seem uas ua tau rau txhua cov kev kawm. Muaj tsib seem uas ua tau: Tau Siab, Siv tau, Yooj Yim, Qis Dua Qhov Yooj Yim, thiab Qis Tshaj Qhov Uas Yooj Yim.

Muaj tshau lus Mis Kas thiab Zauv rau feem ntau cov menyuam kawm ntawv uas kawm Qib 2-11. Muaj tshau Keeb Kwm-Kev Coj Yoog Nrog Lwm Tus (Social Science) rau tag nrho cov menyuam kawm ntawv Qib 8, 10, thiab 11. Muaj tshau Tsav Sim (Science) rau tag nrho cov menyuam kawm ntawv uas nyob Qib 5 thiab rau ib cov menyuam kawm ntawv nyob Qib 9, 10, thiab 11. Muaj paj xyeem rau tag nrho cov sob tshau uas koj tus menyuam tau tshau. Yog tias koj tus menyuam tsis tau tshau ib los sis ntau tshaj ib co sob tshau los sis yog tias tsis qhia paj xyeem, yeej muaj lus cim txog qhov no.


Yog tias koj tus menyuam tshau nyob rau hauv feem uas muaj kev tshwj xeeb, ces yuav muaj ib qho nram qab no: "Siv Sob Tshau Rau Cov Dig Muag" los sis "Koj Tus Menyua Tau Tshau Qhov Uas Qis Tshaj Qib Kawm Ntawv."

4 Koj siv tau cov web addresses los xyuas cov kev kawm tau hauv STAR (<http://star.cde.ca.gov>) thiab koj lub tsev kawm ntawv Daim Ntawv Qhia Txog Kev Thaj Tsob (Accountability Report Card) (www.cde.ca.gov/ta/ac/sa). Koj thov tau Lub Tsev Kawm Ntawv Daim Ntawv Qhia Txog Kev Thaj Tsob (SARC) ua qauv tom koj tus menyuam lub tsev kawm ntawv.

5 Yuav pab koj tus menyuam li cas

Seem no qhia ib co kev uas koj yuav pab tau koj tus menyuam hauv tsev kawm ntawv. Cov no muaj li nram no:

- 1 Soj ntsuam daim ntawv qhia no nrog koj tus menyuam thiab koj tus menyuam tus kws qhia ntawv.
- 2 Muab ib qho chaw ntsiag to rau koj tus menyuam saib ntawv txhua hnuv.
- 3 Ua li qhov muaj siab txog koj tus menyuam kev nce qib tas mus li lub caj kawm ntawv.



6 Koj tus menyuam qhov paub thiab kev tim tsum ntawm cov sob tshau

Cov cuam khoov no qhia seb koj tus menyuam ua tau zoo li cas hauv cov qauv ntawm cov ntsiab lus uas txawv rau txhua qhov sob tshau uas tshau. Qhov kev kawm rau txhua sob tshau muaj nyob rau sab saum toj ntawm daim cuam khoov. Feem ntau cov ntawv qhia rau cov menyuam kawm ntawv Qib 2–11 muaj Lus Mis Kas thiab Zauv nrog thiab. Cov ntawv qhia rau cov menyuam kawm ntawv Qib 5, 9, 10, thiab 11 muaj Tsav Sim (Science) thiab. Cov ntawv qhia rau cov menyuam kawm ntawv Qib 8, 10, 11 muaj Keeb Kwm-Kev Coj Yoog Nrog Lwm Tus (Social Science) thiab.

Cov khoom nyob rau hauv California Cov Qauv Tshau (California Standards Test (CST)) yog ua pab pawg raws cov ntsiab lus kawm uas nyob rau sab laug ntawm txhua daim cuam khoov. Cov ntsiab lus kawm yog muaj raws California Cov Qauv Ntawm Cov Ntsiab Lus, uas qhia seb koj tus menyuam yuav tsum tau paub dab tsi thiab ua tau dab tsi hauv ib qib kawm ntawv twg. (Yog tias koj tus menyuam tsis tau tshau cov sob tshau raws nws qib kawm ntawv los sis yog tias ib qho paj xyeem tsis muaj, yeej muaj lus cim txog qhov no.)

Nyob rau sab xis ntawm daim cuam khoov, koj tus menyuam qhov paj xyeem hauv txhua cov ntsiab lus kawm yog muab piv rau cov paj xyeem uas tag nrho cov menyuam tau uas nws seem ua ntawm qhov sob tshau yog Tau Siab. Tau Siab yog xeev lub hom phiaj rau tag nrho cov menyuam kawm ntawv.

Nyob hauv qab ntawm daim cuam khoov muaj moj kab sim (information) qhia ntxiv txog koj tus menyuam qhov kev ua rau txhua qhov sob tshau.

7 Seem no muaj ib qho nram qab no:

- Cov ntawv qhia rau cov menyuam kawm ntawv Qib 2–4, 6, thiab 7 muaj moj kab sim (information) ntxiv txog tus qauv ntawm Lus Mis Kas thiab Zauv.
- Cov ntawv qhia rau cov menyuam kawm ntawv Qib 5, 8, thiab 9 nrog rau peb qhov kev kawm nrog rau ib seem hais txog cov kev pab ntxiv.
 - Qib 5 thiab 9 nrog rau Lus Mis Kas, Zauv, thiab Tsav Sim (Science).
 - Qib 8 nrog rau Lus Mis Kas, Zauv, thiab Keeb Kwm-Kev Coj Yoog Nrog Lwm Tus (Social Science).
- Cov ntawv qhia rau cov menyuam kawm ntawv Qib 10 thiab 11 nrog rau cov moj kab sim (information) rau cov paj xyeem txog cov sob tshau rau Keeb Kwm-Coj Yoog Nrog Lwm Tus (Social Science) thiab cov kev tshau Tsav Sim (Science).

8 Cov sob tshau uas tso tawm (cov nqe lus nug los ntawm cov sob tshau dhau los) muaj nyob rau ntawm www.cde.ca.gov/ta/tg/sr/resources.asp thiab ib co qauv txog cov ntsiab lus uas muaj nyob ntawm www.cde.ca.gov/be/st/ss hauv Internet.


9 California Daim Ntawv Teev Npe Txog Kev Nyeem Ntawv

Lub thawv no qhia txog koj tus menyuam Tus Zauv Hauv California Daim Ntawv Teev Npe Txog Kev Nyeem Ntawv. Yog xav paub txog cov phau ntawv uas tawm tswv yim pom zoo raws koj tus menyuam qhov kev nyeem ntawv hauv CAT 6 Survey, mus rau STAR lub website (<http://star.cde.ca.gov>) thiab nias rau “California Daim Ntawv Teev Npe Txog Kev Nyeem Ntawv.” Daim ntawv no qhia cov npe ntawm cov phau ntawv uas koj tus menyuam yuav nyeem tau nws tus kheej. Qhov no qhia ntau hom ntawv, nrog rau dab neeg, cov dab neeg uas muaj tseeb, tim tsav yeeb yam (plays), thiab paj huam.

Txhawb kom koj tus menyuam nyeem tom tsev thiab pab koj tus menyuam nrhiav tej phau ntawv uas nws nyiam. Qhov kev nyeem tau zoo yog ib qho tseem ceeb rau kev nce qib ntawm tag nrho cov kev kawm hauv tsev kawm ntawv.

10 Kev muab piv thoob teb chaws

Lub thawv no muab moj kab sim (information) txog kev piv thoob teb chaws. Yam uas yog ib feem ntawm qhov kev Pab STAR, koj tus menyuam yuav tshau ib qho hu ua CAT/6 Survey, uas qhia seb koj tus menyuam ua tau zoo li cas ntawm cov kev ua uas yooj yim yog muab piv rau ib co menyuam uas tshau thoob hauv teb chaws Mis Kas. Cov duab hauv lub thawv no qhia raws “feem pua” uas qhia txog koj tus menyuam qhov kev ua. Piv txwv li, qhov feem pua 40 hauv kev nyeem ntawv txhais tau hais tias koj tus menyuam qhov paj xyeem yog zoo ib yam li los sis zoo dua 40% ntawm cov menyuam kawm ntawv uas tshau hauv qhov kev piv txwv. Qhov feem pua uas qis tshaj yog 1, thiab qhov uas siab tshaj yog 99. (Yog tias koj tus menyuam tshau yam uas muaj kev pab los sis kev hloov, yeej muaj lus cim txog qhov no.)



7 Nyob ntawm seb koj tus menyuam kawm ntawv qib dab tsi, cov ntsiab lus hauv seem no yuav txawv.